

ՇՆՈՐՀԱՎՈՐԱԿԱՆ ՈՒՂԵՐՁ

ԱՐԱՐԱՏ ԽՈՇՈՐԱՑՎԱԾ ՀԱՄԱՅՆՔԻ ՂԵԿԱՎԱՐ ԱՍԼԱՆ
ԱՎԵՏԻՍՅԱՆԻ՝ ՎԵՐՋԻՆ ԶԱՆԳԻ ՕՐՎԱ ԿԱՊԱԿՑՈՒԹՅԱՄԲ

Սիրելի՛ Արարատ համայնքի շրջանավարտներ,
Ջերմորեն շնորհավորում եմ ձեզ կյանքի ամենահիշարժան
իրադարձություններից մեկի՝ Վերջին զանգի կապակցությամբ:
Տարիներ շարունակ դպրոցը ձեզ համար եղել է կրթման,
դաստիարակման և արժեքների ձևավորման յուրատեսակ
դարբնոց: Ուսումնառության այս տարիների ընթացքում դուք
շրջապատված եք եղել մանկավարժների ջերմությամբ, ընկերների
մաքուր և անաղարտ սիրով, դպրոցում ձեզ սովորեցրել են լինել
ազնիվ, բանիմաց, երկրին ու հայրենիքին նվիրված
քաղաքացիներ:

Համոզված եմ, որ դուք ոչ միայն պահպանելու եք այն
արժեքները, որոնք բազում դժվարություններ հաղթահարելով,
դարեդար անցնել ու ձեզ են փոխանցվել ձեր ուսուցիչների,
ծնողների շնորհիվ, այլև հարստացնելու և նոր որակներ եք
հաղորդելու այդ ամենին: Այսօր ձեզ համար օրվա գլխավոր
խոհուրդը ոչ միայն դպրոցական տարիների ավարտն է, այլև
կյանքի առավել պատասխանատու նոր փուլի մեկնարկը:

Շնորհավորանքի և հիացմունքի խոսքեր եմ ուզում ուղղել նաև
մեր մանկավարժներին և ձեր ծնողներին՝ հույս հայտնելով, որ դուք
իրականություն կդարձնեք ձեզ հետ կապված նրանց բոլոր
երազանքները:

Սիրելի՛ շրջանավարտներ,

Մաղթում եմ ձեզ բարի երթ դեպի մեծ կյանք՝ համոզմունքով, որ
կիրականացնեք նվիրական ձեր բոլոր երազանքները՝ ի շահ մեր
երկրի ու ի բարօրություն մեր համայնքի վաղվա օրվա:

Ես լիահույս եմ, որ ձեր շնորհիվ մեր համայնքի կենսագրության
մեջ ապագայում գրվելու են նոր և ավելի փառահեղ էջեր:

Բարի երթ ու կանաչ ճանապարհ ձեզ, սիրելի՛
շրջանավարտներ...

ՀԱՄԱՅՆՔԻ ՂԵԿԱՎԱՐ



ԱՍԼԱՆ ԱՎԵՏԻՍՅԱՆ